



გამარტივებული ელექტრონული ტენდერის

## დოკუმენტაცია

სააგენტოს ბალანსზე რიცხული ავტომობილების რეცხვითი მომსახურების სახელმწიფო  
შესყიდვის შესახებ

50112300 - მანქანის რეცხვა და მსგავსი მომსახურებები

---

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12<sup>1</sup> მუხლის,  
“გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის  
დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

ქ. თბილისი  
2015 წელი

## სარჩევი

1. ინსტრუქცია ტენდერში მონაწილეთათვის
2. ტექნიკური დოკუმენტაცია
3. სახელმწიფო შესყიდვის შესახებ ხელშეკრულების პროექტი
4. დანართი N1 სატენდერო წინადადების ფასი, ფასების ცხრილი
5. დანართი N2 რეკვიზიტები

## 1. ინსტრუქცია ტენდერში მონაწილეთათვის

- 1.1 იხ., „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“ და „სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს ოფიციალურ ვებგვერდზე [www.procurement.gov.ge](http://www.procurement.gov.ge)
- 1.2 სსიპ „დაცული ტერიტორიების სააგენტო“ საკონტაქტო პირი დავით კოპალიანი გიგა მენადიშვილი 995 32 2753892.

## **2. ტექნიკური დოკუმენტაცია**

### **2.1 შესყიდვის ობიექტის ტექნიკური მახასიათებლები:**

2.1.1. შესყიდვის ობიექტია სააგენტოს ბალანსზე რიცხული ავტომობილების რეცხვითი მომსახურება (ჯიპის ტიპის ავტომობილის 160 (ასსამოცი) ცალი რეცხვის ტალონი და სედანის ტიპის ავტომობილის 28 (ოცდარვა) ცალი რეცხვის ტალონი). მომსახურების მიწოდება უნდა განხორციელდეს მიმწოდებლის მიერ დამზადებული ტალონის მეშვეობით. ავტომობილების რეცხვის ტალონი უნდა შეიცავდეს მინიმუმ შემდეგ ინფორმაციას: მიმწოდებლის დასახელება, ავტომანქანის ტიპი.

2.1.2 ტენდერიში გამარჯვებულმა პრეტენდენტმა მომსახურების მიწოდება უნდა უზრუნველყოს ქ. თბილისში; შემდეგი პირობებით:

2.1.2.1 პრეტენდენტს, ქ. თბილისის მასშტაბით, უნდა გააჩნდეს ავტომანქანების მინიმუმ 3 (სამი) რეცხვის სერვისცენტრი და თითოეული სერვისცენტრი უნდა მოიცავდეს მინიმუმ 2 (ორი) სამრეცხაო ბოქსს.

2.1.2.2 შემოთავაზებული რეცხვითი სერვისცენტრები უნდა მუშაობდეს დღე-ღამეში მინიმუმ 12 საათის განმავლობაში.

2.1.2.3 მიმწოდებელმა რეცხვითი მომსახურება უნდა განახორციელოს სპეციალური ხსნარის მეშვეობით (ე.წ უკონტაქტო რეცხვა), რომელიც არ აზიანებს ავტომანქანის საღებავს;

2.1.2.4 წინასწარი დაჯავშნის შემთხვევაში მიმწოდებელმა უნდა განახორციელოს რიგგარეშე მომსახურება.

2.1.3 რეცხვითი მომსახურება გულისხმობს ავტომანქანის რეცხვა-გასუფთავებას, ავტომანქანის ძარის, სალონის და საბარგულის ჩათვლით.

### **2.2. მომსახურების მიწოდების ვადები და პირობები:**

2.2.1. ტალონების მიწოდება უნდა განხორციელდეს ეტაპობრივად 2015 წლის 1 დეკემბრამდე.

2.2.2 ტალონების მიწოდება უნდა განხორციელდეს მიმწოდებლის სიტყვიერი, ან/და წერილობითი მოთხოვნიდან 3 სამუშაო დღის განმავლობაში, მოთხოვნილი რაოდენობის შესაბამისად.

2.2.2 მომსახურების მიწოდება უნდა განხორციელდეს მიმწოდებლის სარგებლობაში არსებულ ავტოსამრეცხაოებში, შემსყიდველის წარმომადგენლის მიერ ავტოსამრეცხაო ტალონის წარდგენის საფუძველზე.

2.2.3 ტალონების გამოყენება და შესაბამისად მომსახურების გაწევა შესაძლებელი უნდა იყოს მარაგის სრულ ამოწურვამდე.

### **2.3 პრეტენდენტის მიერ სისტემაში ასატვირთი დოკუმენტებია:**

2.3.1. სატენდერო წინადადების ფასი, ფასების ცხრილი დანართი №1-ის მიხედვით;

2.3.2. რეკვიზიტები – დანართი №2-ის მოთხოვნათა გათვალისწინებით;

2.3.3. ინფორმაცია შემოთავაზებული ავტოსამრეცხაო სერვისცენტრების საკუთრების, რაოდენობისა (მათ შორის ბოქსების რაოდენობის) და მდებარეობის შესახებ. (სუბკონტრაქტორების არსებობის შემთხვევაში მხარეთა შორის გაფორმებული შესაბამისი ხელშეკრულების ასლი, რომელთა მოქმედების ვადა უნდა იყოს არანაკლებ 2015 წლის 31 დეკემბრის ჩათვლით).

2.3.4 ინფორმაცია ტელეფონის ნომრების შესახებ, რომლის საშუალებითაც შემსყიდველი განახორციელებს ადგილის წინასწარ დაჯავშნას.

2.3.5 ინფორმაცია ანალოგიურ სფეროში 2013-2014 წლების განმავლობაში მინიმუმ 1 (ერთი) წლიანი მუშაობის გამოცდილების შესახებ.

2.3.6. სატენდერო წინადადების ხელისმომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში).

### **2.4 ანგარიშსწორების პირობები:**

2.4.1. ანგარიშსწორების ხორციელდება ლარებში უნაღდო ანგარიშსწორების ფორმით;

2.4.2. წინასწარი ანგარიშსწორების ფორმა (ავანსი) არ გამოიყენება;

2.4.3. ანგარიშსწორება მიმწოდებელთან ხორციელდება, ტალონების გადაცემისას გაფორმებული მიღება-ჩაბარების აქტისა და მოქმედი კანონმდებლობით გათვალისწინებული დოკუმენტაციის წარმოდგენიდან 10 სამუშაო დღის განმავლობაში;

## **2.6. სატენდერო წინადადების ფასი**

2.6.1 პრეტენდენტმა უნდა წარმოადგინოს სატენდერო წინადადების ფასი და ფასების ცხრილი დანართი №1-ის მიხედვით.

2.6.2 სატენდერო წინადადებაში საერთო და ერთეულის ფასი გამოსახული უნდა იყოს ლარში, მიმწოდებლისათვის საქართველოს კანონმდებლობით გათვალისწინებული ყველა გადასახადის გათვალისწინებით (მათ შორის დღგ). ხარჯები რომლებიც არ იქნება გათვალისწინებული სატენდერო წინადადების ფასის წარმოდგენისას, არ იქნება ანაზღაურებული.

## **2.7. დაფინანსების წყარო - სახელმწიფო ბიუჯეტი;**

**2.8. შესყიდვის სავარაუდო ღირებულებაა 2800 ლარი დღგ-ს გათვალისწინებით.**

## **2.9. დამატებითი მოთხოვნები :**

2.9.1. სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

2.9.2. პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

2.9.3. სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

შენიშვნა: იმ შემთხვევაში თუ ტენდერში ელექტრონული ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი 20%-ზე მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაციის მოთხოვნის შემთხვევაში, მიმწოდებელმა უნდა დაასაბუთოს ფასწარმოქმნის ადეკვატურობა ან/და ამ ფასად ტენდერით გათვალისწინებული ვალდებულების შესრულების შესაძლებლობა.

### 3. ხელშეკრულება სახელმწიფო შესყიდვის შესახებ №

ქ. თბილისი

— 2015წ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

#### ხელშეკრულების დამდები მხარეები

ერთის მხრივ სსიპ „დაცული ტერიტორიების სააგენტო“ სააგენტოს თავმჯდომარის გიორგი შონვაძის სახით (შემდგომში „შემსყიდველი“) იურიდიული მისამართი ქ. თბილისი, გულუას ქ. №6

(ორგანიზაციის დასახელება და იურიდიული მისამართი)

და მეორეს მხრივ \_\_\_\_\_ მისი \_\_\_\_\_ სახით, იურიდიული მისამართი \_\_\_\_\_ (შემდგომში მიმწოდებელი)

\_\_\_\_ (ორგანიზაციის დასახელება და იურიდიული მისამართი)

#### 1. ხელშეკრულების ღირებულება

შემსყიდველმა გამოაცხადა ავტომატური რეგულირებადი მომსახურების შესყიდვაზე გამარტივებული ელექტრონული ტენდერი (განცხადების № SPA \_\_\_\_\_) და ტენდერის შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული მომსახურება \_\_\_\_\_ ლარად (შემდგომში ხელშეკრულების ღირებულება)

#### 2. ხელშეკრულების შესრულების კონტროლი

2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

2.2. ხელშეკრულების მიმდინარეობის კონტროლის მიზანს წარმოადგენს:

2.2.1. მომსახურების მიწოდების ვადების ხელშეკრულების მოთხოვნებთან შესაბამისობის დადგენა;

2.2.2. მიწოდებული მომსახურების მოთხოვნებთან - ხელშეკრულების დანართი №1-თან (ტექნიკური დავალება) შესაბამისობის დადგენა, მის საფუძველზე მიღება-ჩაბარების აქტის გაფორმება და ანგარიშსწორების პროცესის რეგულირება.

2.2.3. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

2.4. ხელშეკრულების შესრულების კონტროლს ახორციელებენ „შემსყიდველის“ სათანადოდ უფლებამოსილი პირები.

#### 3. შესყიდვის ობიექტის მახასიათებლები

3.1. შესყიდვის ობიექტის ტიპი, რაოდენობა, ერთეულის ფასი და საერთო ფასი განისაზღვრება (ფასების ცხრილი დანართი №1-ის) მიხედვით.

#### 4. მომსახურების მიწოდების პირობები და ვადები

მომსახურების მიწოდების პირობები და ვადები განისაზღვრება სატენდერო დოკუმენტაციის (მომსახურების მიწოდების პირობები და ვადები) პირობების შესაბამისად.

## **5. შესყიდვის ობიექტის მიღება-ჩაბარების წესი**

5.1. შესყიდვის ობიექტის მიღება-ჩაბარება ხორციელდება ეტაპობრივად მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული ტალონების შესაბამისად.

5.2. იმ შემთხვევაში თუ, მიწოდებული საქონელი შეესაბამება ხელშეკრულებით გათვალისწინებულ მოთხოვნებს, ხელშეკრულების 2.4. პუნქტით განსაზღვრული პირი, მიწოდებული საქონლის შესახებ მიმწოდებელთან ადგენს მიღება-ჩაბარების აქტს და ახორციელებს მიწოდებული საქონლის მიღებას, ხოლო თუ, პროდუქტის მიწოდების პროცესში გამოვლინდება, რომ პროდუქტი არ აკმაყოფილებს ხელშეკრულების დანართით გათვალისწინებულ მოთხოვნებს შემსყიდველს უფლება აქვს არ მიიღოს საქონელი და მოსთხოვოს მიმწოდებელს მიმწოდებლის ხარჯით გამოსწოროს წუნდებული საქონლის ხარისხი.

## **6. ანგარიშსწორება**

6.1. ანგარიშსწორების ხორციელდება ლარებში უნაღდო ანგარიშსწორების ფორმით;

6.2. წინასწარი ანგარიშსწორების ფორმა (ავანსი) არ გამოიყენება;

6.3. ანგარიშსწორება მიმწოდებელთან ხორციელდება საქონლის გადაცემისას გაფორმებული მიღება-ჩაბარების აქტისა და მოქმედი კანონმდებლობით გათვალისწინებული დოკუმენტაციის წარმოდგენიდან 10 სამუშაო დღის განმავლობაში;

## **7. მხარეთა ვალდებულებები**

7.1. „მიმწოდებელი“ ვალდებულია:

7.1.1. მიაწოდოს „შემსყიდველს“ მომსახურება ხელშეკრულებით გათვალისწინებული მოთხოვნების განუხრელი დაცვით.

7.1.2. უზრუნველყოს გამოვლენილი დეფექტებისა და ნაკლოვანების აღმოფხვრა საკუთარი ხარჯით, შემსყიდველის მომართვიდან არაუგვიანეს ერთი დღის ვადაში.

7.1.6. დროულად განიხილოს „შემსყიდველის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

7.2. „შემსყიდველი“ ვალდებულია:

7.2.1. სახელმწიფო ბიუჯეტით გათვალისწინებული თანხების უწყვეტი დაფარვის პირობებში უზრუნველყოს „მიმწოდებლის“ დროული და სრული დაფინანსება ხელშეკრულებით გათვალისწინებულ ვადებში.

7.2.2. დროულად განიხილოს „მიმწოდებლის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

7.2.3. დაიცვას ხელშეკრულებით გათვალისწინებული ყველა პირობა.

## **8. მხარეთა უფლება**

8.1. „მიმწოდებელს“ უფლება აქვს, ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს აწარმოოს მიწოდებული მომსახურების ხელშეკრულების მოთხოვნებთან შესაბამისობის კონტროლი

## **9. ფორს-მაჟორი**

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ

გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების მიწოდებისთვის საჭირო საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

## **10. ხელშეკრულების პირობების და ფასების გადასინჯვა**

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

## **11. სადაო საკითხების გადაწყვეტა**

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

## **12. ხელშეკრულების შესრულების შეფერხება**

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება,

აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

## **13. ხელშეკრულების პირობების შეუსრულებლობა**

13.1. მიმწოდებელი კისრულობს პასუხისმგებლობას წინამდებარე ხელშეკრულების გათვალისწინებული პირობების და საქონლის მიწოდების ვადების დარღვევის შემთხვევაში გადაუხადოს პირგასამტეხლო შემსყიდველს მთლიანი სახელშეკრულებო ღირებულების 0.2%-ის ოდენობით ყოველ ვადაგადაცილებულ დღეზე.

13.2.შემსყიდველი კისრულობს პასუხისმგებლობას წინამდებარე ხელშეკრულების 6.3. პუნქტით გათვალისწინებული ანგარიშსწორების ვადების დარღვევის შემთხვევაში გადაუხადო პირგასამტეხლო მიმწოდებელს მთლიანი სახელშეკრულებო ღირებულების 0.2 %-ის ოდენობით ყოველ ვადაგადაცილებულ დღეზე.

#### **14. ხელშეკრულების შეწყვეტა**

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. ერთი მხარის მიერ 10 (ათი) სამუშაო დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. შემსყიდველის ინიციატივით, მეორე მხარის წერილობითი გაფრთხილებიდან 10 (ათი) სამუშაო დღის განმავლობაში;

14.1.4. საქართველოს მოქმედი კანონმდებლობით გათვალისწინებულ სხვა შემთხვევებში.

#### **15. ხელშეკრულების მოქმედების ვადა**

15.1. წინამდებარე ხელშეკრულება ძალაში შედის ხელმოწერისთანავე და მოქმედებს მიმდინარე წლის —

#### **16. განსაკუთრებული პირობები**

16.1. ხელშეკრულება შედგენილია 2 ეგზემპლარად და თითოეულ მათგანს თანაბარი იურიდიული ძალა აქვს;

16.2. ხელშეკრულების ერთი ეგზემპლარი ინახება „მიმწოდებელთან“, ერთი - „შემსყიდველთან“

„შემსყიდველი“

სსიპ „დაცული ტერიტორიების სააგენტო“

ქ. თბილისი გულუას. №6

ს/კ 204911227

„მიმწოდებელი“

გეორგი შონვაძე

სააგენტოს თავმჯდომარე

სატენდერო წინადადების ფასი, ფასების ცხრილი,

შევსების თარიღი, „\_\_\_\_“ \_\_\_\_\_ 2015 წ.

„\_\_\_\_“ სატენდერო წინადადების ფასი  
(პრეტენდენტის დასახელება)

(თანხა ციფრობრივად) (თანხა სიტყვიერად)

| №    | მომსახურების დასახელება                                  | მომსახურების ტექნიკური მახასიათებლები | რაოდენობა | ერთეულის ფასი (*) | საერთო ღირებულება (*) |
|------|----------------------------------------------------------|---------------------------------------|-----------|-------------------|-----------------------|
| 1    | 2                                                        |                                       | 3         | 4                 | 5                     |
| 1    | ჯიპის ტიპის ავტომობილი ს რეცხვითი მომსახურება (ტალონი)   |                                       | 160       |                   |                       |
| 2    | სედანის ტიპის ავტომობილი ს რეცხვითი მომსახურება (ტალონი) |                                       | 28        |                   |                       |
| სულ: |                                                          |                                       |           |                   |                       |

(\*)სატენდერო წინადადების ფასი წარმოდგენილი უნდა იყოს დღგ-ს გათვალისწინებით.

(\*)გამარჯვებულ პირს დამატებით მოეთხოვება მის მიერ დაფიქსირებული საბოლოო ფასის (ასეთის არსებობის შემთხვევაში) შესაბამისი სატენდერო წინადადებისა და ფასების ცხრილის განფასება დანართი №1-ის შესაბამისად. ვეტანხმები სატენდერო დოკუმენტაციით გათვალისწინებულ მოთხოვნებს.

(ხელმოწერა)

( ბეჭდის ადგილი)(ბეჭდის არსებობის შემთხვევაში)

რეკვიზიტები:

პრეტენდენტის სამართლებრივი ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტის მისამართი:

ბანკის დასახელება:

ბანკის კოდი:

ანგარიშსწორების ანგარიში:

---

(ხელმოწერა)

---

( ბეჭდის ადგილი)(ბეჭდის არსებობის შემთხვევაში)